

culæ instar acutos, abscissa, crinibus per accipitrum ungulas turbatis, non nisi multo post in terram decidebant.

44 Miles de equo pugnans hostem, quem ictu percusserat, cum ille ictum reddere non valeret, non ultro percutiebat, sed illum, cujus corpus in equi cervicem inclinatum pependit, respirare optabat.

45. Elephanti, militum loricatorum, animæ prodigorum, ensibus strictis, in magnos dentes cadentibus, perterriti, ignem elicitem proboscidis humore exstinguebant.

46. Pugnæ locus, capitibus per sagittas abscissis quasi fructibus abundans, lapsis galeis quasi poculis tectus, cruore quasi vino irrigatus, apparebat veluti mortis epulæ.

47. Brachii cujusdam partem, avibus ab utraque fine laceratam, lupus, armillæ cuspide in palato vulneratus, quamquam carnis amantissimus, rejiciens illis reddidit.

48. Miles aliquis, hostis gladio capite truncatus, illico in curru cœlesti sedem occupans, jamque femina cœlesti a latere sinistro sedente, truncum suum adhuc in prælio saltantem conspexit.

49. Alii duo milites, quorum aurigæ necati erant, eodem tempore aurigæ atque pugnatore evadebant; dein, equis privati, clavis eminus pugnabant, quibus diffractis, brachiis luctari aggrediebantur.

50. Alii duo vulnerati inter se pugnantes, eodem tempore animam exhalabant; sed vel immortales facti, unam eandemque *Apsarasem* petentes, pugnam continuabant.

51. Utrumque agmen variam cladem variamque victoriam mutuo patiebantur, sicut tumidæ duæ magni oceani undæ, duobus ventis a fronte et a tergo mutuo flantibus.

52. AJAS, vel exercitu suo ab hoste profligato, magno robore præditus hostium agmen adortus est: etenim vel fumo per ventum dispulso, ubi fœnum est, ibi ignis.

53. Unus ille vir superbus, curru vectus, pharetra, lorica atque arcu instructus, regum agmen coercebat; sicut magnus aper oceani fluctum sub mundi ætatis finem extumescentem.

54. Conspiciebatur ille in prælio, pulchram suam dextram pharetræ ori